

LA PRIMERA EPISTOLA UNIVERSAL
DE SAN PEDRO APOSTOL

YA'A KUU CARTA HN JA NI CHAA
SAN PEDRO APOSTOL NUU
TAKA ÑAYIVĪ KAKANDIJA

1 Máá-rí kúu Pedro apóstol nuu Jesucristo. Te cháa-ri tutu yá'a nuu róo ñayivi jíká, ja ní kajicha nuu-ró káxiukú-ró ní ñúu Ponto, Galacia, Capadocia, Asia, jíin Bitinia. ²Chi máá Táa-yo Dios, ni jini-ya róo onde jíin tiempo, te ni kaji-ya róo jíná'an-ró. Te a ni kandundoo-ró ní sá'a máá Espiritu, náva'a kuandatú-ro núu Jesucristo, te koso yúyú-yá niñi-yá siki-ro. Tu'un luu ío ini-ya jíin tú'un kuaká'nu ini ná ndeá ini-ro jíná'an-ró.

Tu'un núkuu ini

³Ná nákana jaa-yó máá Dios, Táa Jito'o-yo Jesucristo. Chi ni kundá'ú xaan ini-ya yóo. Te ni nakaku-yó ja kúchaku-yo, te káñukuu ini-vo ní sá'a-ya jíin tú'un ja ní nachaku Jesucristo ma'ñú ndíyi, ⁴náva'a ni'in-yo íin ta'u ja má té'yu kuti, ni ma kúchá'an kúti, ni ma xíi kuti, chi yíva'a ini andívi ja siki yóo. ⁵Chi yóo kúu ñayivi kákandíja, te

ja yúan ndíto Dios yóo jíin fuerza-ya náva'a nama-ya yóo kivi sándi'í-na, nátu'un a ni sánda-ya. ⁶Ja yúan kákusií ini-ro, vasa tini tundó'o kájito níni-ro yakú-ni kivi. ⁷Chi tundó'o-ún, kájito ncha- róo nú kákandíja va'a-ró. Te tu'un kákandíja-ró, luu-ga káa vasa oro, chi vasa kájito ncha-i oro jíin nú'un, ko íin kivi te naa. Te tu'un kákandíja va'a-ró, nakana jaa-i Jesucristo sá'a, te jíin tú'un jíinú'un ká'an-i nduñá'nu-ya sá'a kivi kenda ndijin-ya. ⁸Te máá-yá, vasa té kuni-ga-ro núu-yá, te mani-ro jíin-yá, te kákandíja-ró-yá. Vasa tú kánde'é-ró núu-yá vina, te kákusií xaan ini-ro te kánakana jaa-ró-yá. ⁹Chi ja ní kákandíja-ró te ní'in-ro tá'u-ro ja káku añu-ro. ¹⁰Chaa ni kajani tu'un Dios onde sáa, ni kaka'an-de ndasa cha- tu'un luu ío ini-ya núu-ro. Te suni ni kánde'é vá'a-de, ni kandúkú víi-dé tu'un ndasa kaku-yó. ¹¹Te ni kanandúkú ñúkuún-de ja ná júku'un ini-de

ndé kivi jíin ndé tiempo kuu tu'un ni ka'an Espíritu Cristo jíin-de, chi onde jíin tiempo ni jani-ya tú'un nuu-dé ndasa kii tundó'o sikí Cristo jíin ndasa nduñá'nu tuku-ya nú ná já'a tundó'o-ún. ¹²Te ni stá'an-ya núu cháa-ún ja násu já kúu máa-de, chi sua ja kúu máa-yó kúu tu'un ni kajani-de. Te vina a ni kajini so'o-ro tú'un-ún chi cháa ni kajani tu'un va'a nuu-ro ní sá'a Espíritu Santo ja ní kii ichi ándívi, suni ni kajani-de tu'un-ún nuu-ro. Te taká ndajá'a Dios kájtú iní-ya ndúkú víi-yá taká tu'un-ún.

Sikí tú'un koo ndoo-yó

¹³Ja yúan ná koo ndito iní ja jini tuní-ro, te koo kuándí'i-ro. Te kuñukuu téyí iní-ro já ní'in-ro tú'un luu ío iní-ya já kuá'a-ya núu-ro kivi kenda ndijin Jesucristo. ¹⁴Te natu'un se'e kájjandatú va'a, súan ná koo-ro. Te ma sá'a-ro tíñu ni kakani iní-ro sáa, ná tú ní kájjuku'un kuti iní-ro. ¹⁵Chi natu'un ío ndoo máa I'a ni kana xiní-ro, suni súan ná koo ndoo-ro jíin taká tíñu kás'a-ro. ¹⁶Chi súan yóso núu tutú: Ná koo ndoo-ro jíná'an-ro, chi ruu ío ndoo-ri, áchí. ¹⁷Te máa-yá, tú ncháa nuu-ya ñayivi, ko sánda-ya taká tíñu-i ndasa kás'a'a iin iin-i. Te nú ká'an nda'ú-ro jíin-ya natu'un jíin Táa-ro, núsáa te ná chíñú'ún-ro-yá taká kivi já kájika tatú-ro yá'a. ¹⁸Chi a kájjini-ro ndasa ni kájika sáni-ro jíin táninu ni kaja'a táa-ro núu-ro sáa. Ko ni nakuaan-ya róo nuu táninu-ún. Ko nasu jíin ndátíñu ja té'yu, natu'un oro jíin plata, ¹⁹chi sua jíin niñí Cristo ja yá'u xaan ncháa ni nakuaan-ya róo.

Chi máa-yá kúu natu'un iin lélu vá'a kiti tú káchá'an, ²⁰chi súan a ni teta'an Dios máa Cristo onde ná té jukuñi-ga ñuyivi, te ni kenda ndijin Cristo kivi kuándí'i-na, sikí já ní kundá'ú iní-ya róo. ²¹Te káandíja-ro núu Dios sá'a Jesús. Chi ni nachaku-ya má'ñú ndívi, te ni nduñá'nu-ya ní sá'a Dios. Ja yúan káandíja-ro núu Dios, te kañukuu iní-ro-yá. ²²A ni ndundoo añu-ro, chi ni kajandatú-ro núu tú'un ndaa ni sá'a Espíritu jíin-ro, náva'a kundá'ú ndija iní-ro ñaní-ro. Núsáa te ná kundá'ú xaan iní-ro tá'an-ro onde jíin iní jíin añu-ro. ²³Chi a ni kanakaku jáa-ro. Ko nasu chíi tata té'yú, chi chi tata já má té'yu kuti. Te tu'un Dios ni sá'a súan, chi ndíto chakú ní káni. ²⁴Chi natu'un yukú, súan kúu taká ñayivi. Te modo nduñá'nu-i kúu natu'un ita yukú. Chi yukú-ún, ichí-ni, te ita-ún, júngava-ni, ²⁵ko tu'un ká'an máa Tatá Dios, chi kéndoo ní káni ní kuiá. Achí. Te tu'un yúan kúu máa tú'un va'a ni kani'in-ro.

Cristo, natu'un yuu chakú

2 Núsáa te ná sía-ro taká tu'un ñáa, taká tu'un xndá'ú, tu'un yóso yú'u, tu'un kuásún iní, jíin taká tu'un káka'an ndíva'a sikí tá'an. ²Te ná kaní iní-ro leche máa Espíritu kaxin-ro natu'un suchí yíkin sáa ní kaku-i, náva'a kaku-ro te kua'nu-ro jíin. Chi leche-ún, tú xndá'ú kuti. ³Chi a ni kájjini-ro já vá'a xaan iní máa Jíto'o-yo. ⁴Kandita nuu-ya jíná'an-ro, chi natu'un yuu chakú kúu-ya. Te taká ñayivi, va'a ni kaské'ichi-i-ya, ko ni kájj Dios-ya, natu'un iin

yuu lúu. ⁵Suni róó, nátu'un yuu chakú kákuu-ró. Te ná kuá'nu-ró kuu-ró ñin ve'e ij máá-yá, te kuu-ró sutú ndoo, te nuu Dios soko-ro tú'un cuenta Espíritu, chi ja sikí Jesucristo te kúsiñ iní Dios nú súan.

⁶Chí súan ká'an tutu ij: Vina te onde ñuu Sion kaitúu-rí ñin yuu kánúú kúndiso jiki, chí nátu'un yuu lúu ni kaji-ri-ya, te cháa kándíja nuu-yá, ma kúka nuu-dé, áchí. ⁷Luu káa máá-yá nuu róó ja kákandíja-ró-yá. Ko sikí ñáyivi tú kákandíja ká'an: Cháa káchutá'an ve'e vasa ni kaské'ichi-de yuu, ko yuu-ún ni ni'in tíñu kundiso jiki.

⁸Te suni yuu skáchi'i ja'a-í nání-yá, te kava júngoyo-i sá'a kúu-ya, áchí. Chí kájungoyo-i kuachi sikí ja tú kájandatu-i tu'un-ya. Te ni jani-ya-í ja súan sá'a-i.

Modo kuandatu ñáyivi xiin máá-yá

⁹Ko róó, tata ja ní kaji máá-yá kákuu-ró, te suni sutu kúná'nu xaan, te suni ñáyivi ndoo, jíin ñáyivi ní ni'in-yá kákuu-ró. Súan ni sá'a-ya róó náva'a kani-ró tú'un ndasa xaan vá'a ini máá I'a ni kana xiní-ro ná ni kaxiukú-ró ñúñáa. Te ni kivi koyo-ró núu lúu nuu ndíi ncháa máá-yá. ¹⁰Chí róó, onde sáa nasu ñáyivi Dios kákuu-ró núu. Ko vina a ni kanduu-ró ñáyivi máá-yá. Suni onde sáa té ni'in-gá-ro tú'un kúndá'ú ini-ya róó, ko vina, a kúndá'ú ini-ya róó. ¹¹Ñani máni, ká'an ndá'ú-ri jíin-ró nátu'un ká'an-ri jíin cháa jká jíin cháa kájika kuu tatú, ma sá'a-ró táka tíñu kákaní ini máá-ró, chi yuán kájatá'an sikí añú-ro. ¹²Te ná káka jíinú'ún-ró má'nú ñáyivi siin naciún.

Náva'a vasa kákaji-i róó nátu'un sikí cháa kásá'a tíñu ñáá, ko nú ná kuní-i nuu tíñu va'a kásá'a-ró te nakana jaa-i Dios kivi kii-ya. ¹³Ja sikí máá Dios, te kuandatu-ro núu táka cháa ndíso tíñu, vasa nuu rey, chí cháa kúná'nu-ga kúu-de, ¹⁴xí núu táka gobernador ja ní táji-de vaikoyo, náva'a xndó'o-de táka ñáyivi kásá'a tíñu ñáá, te ka'an-de tu'un jíinú'ún jíin ñáyivi kásá'a tíñu va'a. ¹⁵Chí kuní Dios ja sá'a-ró tíñu va'a. Te jíin tíñu va'a-ún kundéé-ró kasú-ro núu tú'un ñáyivi yúkú ja tú kájuku'un ini-i. ¹⁶Ná káka kuu ndicha-na-ro. Ko nasu ja núña ichi ja máni sá'a-ró tíñu ñáá, chí sua ja ná kuátíñu-ró núu Dios. ¹⁷Koo ja jíinú'ún-ró jíin táka ñáyivi. Kundá'ú ini-ro ñani kákandíja. Kuandatu-ro núu Dios. Koo ja jíinú'ún-ró jíin máá rey. ¹⁸Róó mozo, ná kuandatu-ro núu cháa kákuu patrón-ro. Te koo ja jíinú'ún-ró jíin-de. Ko nasu máá ñin nuu cháa va'a ini, jíin núu cháa maní jíin-ró, chí suni súan sá'a-ró jíin cháa xaan ini. ¹⁹Chí ñin cháa vasa tú sá'a-de tíñu ñáá, nú jito-de tundó'o sikí ja skíkuu va'a-de jíin Dios, yuán kúu ja kúsiñ ini-ya jíin-de sá'a-ún. ²⁰Ko nú kásá'a ndija-ró kuáchi, te kája'a-i róó, te naún ja vá'a kúu nú kájandéé ini-ro jíin. Ko nú kásá'a-ró tíñu va'a, te káxndó'o-i róó, te kájandéé ini-ro jíin, tíñu yá'a kúu ja kúsiñ ndíja ini Dios sá'a. ²¹Chí ja yuán ní kana-ya xiní-ro jíná'an-ró. Chí máá Cristo, suni ni ndo'o-ya ja sikí yóó. Te ni skéndo-ya ñin ejemplo nuu-yo náva'a ná kúndikin-ro súní ichi ní sá'a-ya. ²²Te máá-yá, tú ní sá'a-ya kuáchi. Ni tú ní kenda tu'un xndá'ú

yu'u-yá. ²³Ni kaka'an ndiva'a-i jíin-yá, ko tú ní náka'an ndiva'a-ya. Ni ndo'o-ya, ko tú ní stá'an-ya-í, chi sua ni chi'i-ya máa-yá nda'a Dios, I'a sándaq va'a taká tiñu. ²⁴Suni máa-yá, ni ji'i-ya jiká cruz, te ni ndiso-ya kuáchi-yó jíin yíki kúñu-ya. Chi a ni kaku-yó chí kuáchi náva'a kaka ndaa-yo. Chi ni tujj-yá, te ja yúan ní kanduva'a-ró. ²⁵Chi ni kajicha nuu-ró nátu'un rií, ko vina a káno'on-ro núu I'a ndíto róo, te ini nda'a máa-yá yí'i añú-ro.

Tu'un kuandatu ñasí'í nuu yíi-ñá

3 Suni súan róo ñasí'í jíná'an-ró, kuandatu-ro núu máa yíi-ro náva'a kundéé-ro skándíja-ró yíi tú kándíja tu'un-ya. Chi vasa tú ká'an-ro jíin-de, ko kuni-de ndasa sá'a róo, ñasí'í-de, ²te kuni-de ndasa jíká jíin'ún-ró jíin já ñúkúún ini-ro jíin-de, te kandíja-de. ³Te ja sáluu-ró máa-ró, nasu íchi sikí-ro kúu ja nátiin-ro xiní-ro, xí já chí'i-ró sikí oro máa-ró, xí já kú'un-ró sá'ma lúu, ⁴chi sua ná sáluu-ró ini añú-ro já kándeé sa'í ini-ro. Te ná sákútu-ro jíin tú'un ja má té'yu kuti. Yuán kúu tu'un vitá ini jíin tú'un vindáa vinené ini añú-ro, te sá'a ja kúsij xáan ini Dios. ⁵Chi ña'an ndóo aná'an já ní kañukuu ini-ña Dios, suni súan ni kasáluu-ña máa-ña. Te ni kajandatu-ña núu máa yíi-ñá. ⁶Ná tu'un Sara, ni jandatu-ña núu Abraham, ni skúnání-ña-dé jito'o-ña. Te sesí'í-ña kákuu-ró nú súan va'a ná sá'a-ró te nú tú yu'ú-ro.

Yii ná kúndá'ú ini-de ñasí'í-de

⁷Te róo yii jíná'an-ró, suni súan kuxiukú vá'a-ró jíin-ña. Te koo

ja jíin'ún-ró jíin-ña, chi tá'in-ga máa-ña vásá róo, chi iin núu-ni ni ni'in tá'u-ñá jíin-ró tú'un luu kúchaku-yo. Te súan ná sá'a-ró náva'a tú ndasu nuu tú'un kájikan ta'u-ro. ⁸Te tu'un sandí'í-ña kúu ya'á: Iin-ni tu'un ná káni ini taká-ro, ná ndúku'í'a ini-ro jíin tá'an-ró, ná kúndá'ú ini-ro ñaní-ro, te sá'a-ró túká'nu ini nuu tá'an-ró, te koo vitá ini-ro jíná'an-ró.

Tu'un kuandéé ini jíin túndó'o

⁹Nú sá'a ndiva'a ñayivi jíin-ró, ma násá'a ndiva'a-ró jíin-i. Te nú ká'an tási-i jíin-ró, ma náka'an tási-ró jíin-i. Chi sua ná ká'an-ro já'a-í nuu Dios. Chi ja yúan ní kana-ya xiní-ro náva'a ni'in-ro tá'u-ro sá'a-ya. ¹⁰Chi cháa kuní kuchaku te koo va'a-ni-de taká kivi, cháa-ún, ná kasú-de nuu yáa-dé náva'a tú ka'an ndiva'a, te suni súan jíin yú'u-dé náva'a tú kenda tu'un xndá'ú. ¹¹Ná kúxio-de nuu tiñu ñáá, te ná sá'a-de tiñu va'a. Ná ndúkú-de tu'un vindáa vinené te ná kuítú ini-de kukuu-de jíin. ¹²Chi máa Jíto'o-yo, ndé'é-ya nuu cháa ndaa, te jini ná'in-ya tu'un kájikan ta'u-dé. Ko jíto u'u-ya cháa kásá'a tiñu ñáá. ¹³Te ndé cháa sá'a ndiva'a jíin-ró te nú máni tiñu va'a jítu ini-ro kásá'a-ró. ¹⁴Xáan ndatu-ro te nú koto-ró túndó'o sikí já ní kasá'a-ró tiñu va'a. Núsáa te ma yú'ú-ro kóto-ró-i ni ma kúku'í'a ini-ro. ¹⁵Chi sua ná chíin'ún-ró máa Tatá Dios ini añú-ro. Te koo tu'a-ró ndasa xndíó káni vitá-ro tú'un, te ka'an jíin'ún-ró jíin ñayivi káxndichí róo sikí tú'un kañukuu ini-ro. ¹⁶Va'a ná kóo ini-ro náva'a vasa káka'an ñayivi já cháa ñáá

kákuu-ró, yúan-na te kuka nuu-í ja ní kakaji-i róó sikí ja kájika va'a-ró jíin Cristo. ¹⁷ Chi nú kuní Dios, te va'a-ga ja kájito-ró túndó'lo sikí tínu va'a kásá'a-ró, nasu sikí ja kásá'a-ró tínu ñáá. ¹⁸ Chi Cristo, suni ni ndo'o-ya íin jínu-ni ja sikí kuáchi-yó. Chaa ndaa ni ji'i ja sikí cháa ñáá. Náva'a no'on-yo núu Dios sá'a-ya. Chi ni ji'i yiki kúñu-ya, ko tú ní ji'i añu-ya. ¹⁹ Chi suni ni ja'an máá añu-ya te ni jani-ya tú'un nuu añu ja káinu'ni. ²⁰ Chi onde sáá tú ní kájandatú. Te kivi Noé, jíin paciencia ni ndatu Dios nini jíku-de jíin barco ká'nu. Te jíin barco ni kakaku yaku-ni ñayivi núu ndúcha. Máá uná-ni-i ni kakaku. ²¹ Suni súan kaku-yó vína jíin tú'un jánducha, ja tú jánchaa ja chá'an kándiso-yó, chi sua sá'a ja ná koo ndaa nuu jiní tuni-yo núu Dios, chi ja yúan ní nachaku Jesucristo. ²² Chi máá-ya ni ndaa-ya kuáno'on-ya andívi. Te kánchaa-ya íchi ndává'a Dios. Te tíin-ya só'o taká ndajá'a andívi, jíin taká ja kátá'ú tínu, jíin taká ja ká'io fuerza.

Modo Cristo ná káni iní-yo

4 A ni ndo'o Cristo ja yóó jíin yíki kúñu-ya. Núsáá te suni súan ná káni iní-ro. Chi chaa ni ndo'o jíin yíki kúñu, tuká kánde-de chi kuachi, ² náva'a ja ní-gá kua'an-de, te tuká sá'a-de tínu kákaní iní ñayivi, chi sua ja kuní Dios. ³ Chi onde ní vají-yó, te bueno ni kasá'a-yó taká tínu kákuñi ñayivi sáin nacióon. Ni kajika kuáxán-yó ni kakutóó iní-yo, ni kandaa ká'vá-yó, ni kayee téyí-yó, ni kasá'a-yó víko, ni kachiñú'un-yó

ndosó chá'an. ⁴ Te kákuñáá iní-i sikí ja tuká kájika-ró jíin-i ja íin núu-ni sá'íta iní-ro máá-ró jíin-i. Te ja yúan kákaji-i róó. ⁵ Ko ñayivi yúan, naku'a-a-i cuenta nuu máá I'a ja ío tu'a-ya sánda-ya tínu ñayivi káichaku jíin ñayivi ní kaji'i. ⁶ Chi ja yúan súni ni kenda tu'un va'a-ya núu taká ndíyi, náva'a ná kúnda tínu-i nátu'un chaa yí'i yiki kúñu, ko kuchaku añu-i cuenta Dios. ⁷ Ko kuakuyani kivi náa taká ndatínu. Núsáá te ná koo kuándí'i-ro, te koo ndito iní-ro kakán ta'u-ro. ⁸ Te ja kánúu kúu ja kúndá'ú ndija iní-ro tá'an-ró, chi tu'un kúndá'ú iní tá'an, jasú nuu kuá'a kuáchi. ⁹ Koto ndá'ú-ro núu tá'an-ró, te ma kútuku iní-ro jíin-i. ¹⁰ Ná íin ná íin-ró ná kuátínu-ró núu tá'an-ró nú ndasa káa máá tá'u ní ja'a-ya núu-ro. Te bueno skíkuu-ró jíin sáin sáin tu'un luu ío iní-ya ja ní ja'a-ya núu-ro. ¹¹ Te nú ká'an íin chaa, ná ká'an-de nátu'un káa máá tú'un Dios. Te nú íin chaa jíto ndá'ú-de nuu tá'an-de, ná kóto ndá'ú-de nátu'un káa máá fuerza ni ja'a Dios nuu-dé, náva'a ná nákana jaa-i Dios sá'a Jesucristo, chi máá-ya kúñá'nu-ya te tá'ú-ya tínu ní káni ní kuíá. Amén.

Tu'un ndo'o tá'an-yo jíin Cristo

¹² Nání maní jíná'an-ró, nú koto nchaa-i róó nátu'un jíin nú'un, te ma nánaa iní-ro, nátu'un káta'an-ro íin túndó'o sanaa. ¹³ Chi sua ná kúsi iní-ro ja kándo'o ta'an-ro jíin Cristo, náva'a suni súan kusí xáan iní-ro kivi kuní-yo núu-ya ndasa ndí ncháa-ya. ¹⁴ Xáan ndatu-ro, nú kákaji-i róó ja sikí s'í'vi Cristo, chi tu'un luu tu'un ná'nu Dios jíin

Espíritu-ya ncháá siki-ro jíná'an-ró. Chì máá-i jandáa káka'an-i siki-yá, ko máá-ró, chì kánakana jaa-ró-yá. ¹⁵Núsáá te ma ndó'o ni iin-ró cuenta chaa já'ni ndíyi, xí cháa kuí'ná, xí cháa sá'a tiñu ñáá, xí cháa kivi nduu nuu tiñu tatú. ¹⁶Ko nú iin chaa ndó'o-de siki já nání-de chaa kándíja Cristo, ma kúka nuu-dé, chì sua ná nákana jaa-de Dios ja súan nání-de. ¹⁷Chì a ni jaa kivi kéjál'á kúndaq tiñu ñayivi kákuu se'e Dios. Te nú xna'an-ga kejál'á-yá jín-yó, ndasa koo siki ñáyivi tú ní kábandatu nuu tú'un va'a Dios núsáá. ¹⁸Te nú xaan ú'u kaku ñayivi ndáa, naga ni kuu ja kaku ñayivi tú kákandíja, jín ñáyivi sá'a kuachi núsáá. ¹⁹Núsáá te taká ñayivi ndó'o siki modo játa'an iní Dios, ná sá'a-i tiñu va'a, te ná kuá'a-i máá-i iní nda'a máá I'a ni sá'a taká ndatíñu, chì skíkuu-ya jín-i.

Tu'un tiku'ni Dios

5 Ká'an nda'ú-ri jín taká chaa kákuu nuu ká'jin jín-ró, te suni nuu kúu máá-rí. Te ni jini-ri taká tundó'o ni jito Cristo. Te suni nduñá'nu ta'an-ri jín-yá kivi kenda ndijin-ya. ²Koto-ró tiku'ni Dios ja ká'jin jín-ró jíná'an-ró. Te koto ñúkuún-ró-i. Nasu já fuerza sá'a-ró, chì sua ná kúsi iní-ro sá'a-ró, nasu já ndútóo iní-ro ní'in-ro xú'ún, chì sua ja ná kuítu iní-ro sá'a-ró. ³Ni nasu já tá'ú ní'in-ró tiñu siki ñáyivi máá Jító'o-yo, chì ná kúu-ró iin ejemplo nuu tiku'ni-ya. ⁴Te kivi kenda ndijin máá I'a ñá'nu ndíto yóo, te kuá'a-ya premio luu nuu-ro já má té'yu kuti. ⁵Suni súan róo chaa ká'yínúu, kuandatú-ro núu taká chaa

kákuu nuu. Te ndí'i-ró, kuandatú nuu tá'an-ró. Te ná kóo súchí iní-ro. Chì Dios, jasú-ya núu cháa vixi, ko kúsi iní-ya jín cháa súchí iní.

Ja má yú'ú-yo

⁶Núsáá te ná sásúchí-ró máá-ró kí'vi-ró chíi nda'a ní'in Dios, nává'a ná nduñá'nu-ró sá'a-ya nú ni jaa máá kivi. ⁷Ma nándí'i xaan iní-ro jín ní iin, va'a-ga ná síq-ro kúndito máá-yá, chì kúndá'ú iní-ya róo. ⁸Ná kóo kuándí'i-ro te koo ndito iní-ro. Chì kui'na ja jito u'u róo, cuenta ndíka'a kiti ndé'e súan jíkó ndúu ndúkú ñáyivi kókó kuni. ⁹Te ná kuí'ni ní'in-ró jín tú'un kákandíja-ró, te jín yúan te kasu-ro núu kuí'na-ún. Chì ká'jini-ro já súni súan kándo'o ta'an-ro jín taká ñani-ro já káxiyúku iní ñuyívi. ¹⁰Ko Dios ja ío taká tu'un luu iní-ya, ni kana-ya xini-yo nó'on-yo núu ndíi ncháa-ya ñí káni jín Jesucristo, ko onde ná ndó'o núu-ró xna'an-ga. Te máá-yá ná sáva'a-ya róo, ná síyija-ya iní-ro, te ná kuá'a-ya fuerza iní-ro nává'a kui'ni ní'in-ró. ¹¹Ná nákana jaa-yó-yá, te ná tá'ú máá-yá tiñu ñí káni ñí kuiá. Súan ná kóo. Amén. ¹²Silvano kúu iin ñani skíkuu va'a jáni iní-ri. Te jín máá-de táji-rí tutu lúli yá'a ja ní chaa-ri kujaa. Te ká'an nda'ú-ri jín-ró, te ká'an ndaa-ri ja yá'a kúu ndija tu'un luu ío iní Dios. Ná kuí'ni ní'in-ró jín tú'un yá'a. ¹³Tiku'ni kánde iní nuu Babilonia, ja iin-ni ni kaji-ya-í jín-ró, ká'an ja ná sándéé iní-ro. Te se'e-ri Marcos, suni ká'an-i ja ná sándéé iní-ro jíná'an-ró. ¹⁴Ka'an tu'un ndéé iní jín tá'an-ró, te titú mani-ro tá'an-ró. Te tu'un kuaká'nu iní ná kóo jín taká róo ja ká'jin-ró jín Jesucristo. Amén.